

آبونه شهر اظفی

ممالك عثمانیه ده سنه لکی (۶۵)، آتی
آیلغی (۳۵) غروشدور .
ممالك اجنبیه ده سنه لکی (۱۷)، آتی
آیلغی (۹) فرانقادر .

اداره خانه

باب عالی جاده سنده دائرة مخصوصه

اظفارات

آبونه بدلی پشیندر

§

مسلكه موافق آثار مع المنونیه قبول
اولنورده درج ایدله یں یازیلر اعاده
اولونماز .

الکشاف

۱۳۳۰

دینی، فلسفی، علمی، ادبی هفته لقی مجموعه اسلامیه در .

والله یهدی من یشاء الی صراط مستقیم

باش محمد
محمد عاکف

صاحب و مدیر
ع . اشرف ادیب

اتبعون اهدکم سبیل الرشاد

عدد ۳۲۶

۲۶ ربیع الاول ۱۳۳۳

پنجشنبه

۲۹ کانون ثانی ۱۳۳۰

جلد ۱۳

اظفارات

رساله منردن آلدیفی کوسترملک
شرطیله بتون یازیلر هر هانکی
برغزته طرفندن اقتباس اولونه بیلیر .

§

مکتوبلرک امضالری واضح
و او قوناقلی اولسی و آبونه صره
نومروسنی محتوی بولونمسی لازمدر

§

ممالك اجنبیه ایچون آبونه اولانلرک
آدرس لرینک فرانسیزجه ده یازلمسی
رجا اولنور .

§

پاره کوندر لیک زمان نه یه د اثر اولد
یغناک واضعاً بیلدیرلمسی رجا اولنور .

اجرا ایتمه سنی تنیه ابتدی . بو بیاننامه « تل الکیر » وقعه سندن بر هفته مقدم نشر اولندی . عراقی بی خلافتک مدافع حقوقی ومظهر رضای طایبان اردو واهالینک معنوی ضعیفشدی . مدافعه اهل اولندی . فضله اوله رق خدیو سابقده انکیزلرله برلشمش وحتی انکیزلرله برابر یوللری کوستره جک ضابطر بیله ارسال ایتش بولنیور . ایدی . الحاصل عراقینک وضعیتی بک مشکلمش ایدی .

۱۴ اغستوس ۱۸۸۲ یوم مشومی معزز وسوکیلی مصرک یوره کمر پارالایچی روز ماتمیدر . اوکون او دلریا معشوقه وجدان انکیز ردای وحشته ، مایوس اولمق سزین ، بوروندی . اوکون تاریخ اسلامه اندلس فجیه سندن صکره الک دلسوز ، الک سیاه صحیفه ماتم یازیلدی . اوکون مجاهد اعظم صلاح الدین ایوبینک ، بر زمان صلیبرک هجرات عقورانه سنی بوسکوردن آهنین قلعه لرینک قوله لرینه انکیز رایت ملعتی دیکیلدی . اوکون قوجه بر کتله معظمه اسلامیه نک مقدراتی « احما و افنا » سیاستی بتون فجاعتیه تطبیق ایدن جنوارلرک قانلی وملوث پنجه لرینه دوشدی . اوکون سیدالکائنات وقره العین المسلمین حضرت محمد علیه افضل الصلوات افسدیمزک روح کزینی اغلادی ، مضویت سلیمک صارم جلادتی دست یمینده آلور صاچدی . او جهانکیر خلیفه نک روحی غضبندن ترمه دی . اوکون انکیزلر قاهره یه داخل اولدیلر

اوج کون صکره لورد (دوورین) دارالخلافه ده کمال شوق وشطارتله « آرتیق عثمانلی اردوسنک لزومی قالمدیننی » اعلان ایتدی !...

مصرلی

عمر رضا

مَطْبُوعَات

جهادک حکمت و قدسیتنی خرسیتانلر بیله تقدیر ایدیور

اقدام رفیقیمزک برلین مخبری احوال اسلام حقنده کوزل کوزل خبرلر یازمه یه باشلادی . مسائل اسلامیه و شرقیه متخصصی بارون اونپهایم ایله اجرا ایتدیکی بر ملاقاتده بارون جنابلرینک اسلامیت و مسلمانلر حقنده کی تقدیراتی جدآ شایان دقت و عبرتدر ! مومی الیه بارون جنابلری دیورکه :

« سز اوله طبیعت قریب ، ترقی به مستعد بر دینه صاحبسکزکه هادتا اوکا مهد مدنیت و ترقی دیه بیلیم . اندلسک پشاده نی ، ویزی حالا یشادتینی او بیوک کونلر خاطره دن چیقه دهه تاریخندن ده سیلنمزا ... بن شرقک ، مدنیت و ترقینک حیرانییم .. مطالعه ایتدیکم آثار حقیقه بکا بو خصوصده حیرتله الفا ایلدی . تاریخچه باقلی ، کواش نصل شرقدن طرغیورسه ، مدنیت ده ایسته اوله جه اقلیم شرقدن ظهور ایتشدر . آنوریلر ، بابیلر ، مصریلر ترقینک

اولدی . سوبش قنالتک اشغالی اوزرینه فرانسز غزته لری قیامت قویاردیلر . فقط چه فائده ؟ آلمان غزته لری فرانسز لرله کوزل آلا ی ایتدیلر . آلمانیا نک مصرده یگانه منفعتی ، دوستی دولت عثمانیه یه معاونتدن بشقه بر شی اولمدیننی بیان ایتدی .

۲۵ اغستوس ۱۸۸۲ ده مصر اردوسی ایله انکیز اردوسی « محمه » ده چارپیشدیلر . نتیجه بک فجیع اولدی . انکیزلر بر چویرمه حرکتی ایله مصر اردوسی پریشان ایتدیلر . عراقی تل الکیر رجعت ایتدی وقاهره دن امداد لر یتشدی . برقاج کون صکره تل الکیر وقعه سی ده هزیمت ایله نتیجه لندی .

آرتیق تفصیلاتک صوکنی عراقینک قلمندن دیکلیه لم :

« بونک اوزرینه « کوبری القصاصین » جهتنده ایکی مهم حرکت حربیه وقوع بولدی . ایکی اردو بیوک بر ثبات کوستردی ، ایکنجی سنده راشد حسنی پاشا یارلندی ، یرینه علی الروبی پاشا تعین ایدیلدی . ده ها هنوز هیچ بر تحکیمات یا پامش ایکن انکیز و هندستانی عسکرلر اوزریمزه هجوم ایتدی ، سواری ، وطوبچی سواریلر صباح قارا کلغنده اوزریمزه ایکی ساعت مهالك آتشلر یاغدردیلر . ده ها صکره بر فرقه سواری اردومزی چویره رک چهارشنبه ۲۹ شوال ۱۲۹۹ ، ۱۳ ایلول سنه ۱۲۹۸ ده هزیمتمزه سبب اولدیلر . انکیز سواریلر یله تعقیب ایدیلدیکم حالده (بیلیس) کلدیم . بوراده علی الروبی پاشا ایله ملاقات ایتدم . برابر (انشاص) کیتدک و اورادن تره ن ایله قاهره یه واصل اولدق . مجلسک بتون اعضاسی حربیه ده حال اجتماعده ایدیلر . مذاکره دن صکره انکیزلرک مصری استیلا ایتک فکرنده اولدقلری (!) آکلاشلدی . بناء علیه انکیزلر انسانیت محبلری (!) اولدقلرندن مدافعه یه حاجت قالمادی . ونیجه ده مذکور دولت حقیقتی (!) اکلا نیجه اهالینک حریت ، راحت و رفاهنی تأمین ایده جکنه اعتماد حاصل اولدی . »

نه مدهش سطرلر ! اسکندریه نک بومباردمانندن صکره انکیزلره نصل اعتماد ایدیلر ایدی ؟ اسکندریه قتل طامندن صکره انکیزلرک محب انسانیت اولدقلری نصل قابل تصور اولوردی ؟ فقط انکیز خیانت و ملعتی اوقدر دهشتلی ایدیکه هم خلیفه نی ، هم خدیوی ، هم عراقی نی ، هم فرقه احراری آلداته بیلشمش ایدیلر .

انکیز و مصریلر آره سنده محاربه دوام ایدیورکن باب عالی لورد (دوورین) ایله بر اتفاق حربی عقدی ایچون مخبراته ده دوام ایدیور ایدی . مذکور لورد هر کون یکی برتعديل ، یکی بر ماده ایجاد ایتک ایله اردوی عثمانینک مصره سوقنی تأخیر ایدیور و حکومت عثمانیه نک (عراقی) نک عصیانده دائر بر بیاننامه نشر ایتسی ایچون اوغراشیور ایدی . نهایت نائل مرام اولدی . ۵ اغستوس ۱۸۸۲ ده ذات شاهانه « عراقینک عصیانی » اعلان و مصر اردوسنه عراقینک امرلرینی

اوج بالاسنده ایکن اوریا باربارلی حالنده کونلر کچیریوردی . بغدادده کی خلیفه نزدیکه برماور مخصوص یوللایان ایبراطور شارلمانده اسلامیت مدینتک بر تقدیر خوانی ایدی ... صوکره شرق بر آرز خسونه اوغرا دی . شرقکله خالق اولادلی ، غرب جباره سستک تحکمه دوشدی ... الاهدن تضرع ایدرم که ، بو کوزل فرصته ، او بلند آسمان شرق ینه پارلاسون . بتون قایمله تمی ایدرم که ، شرق و غرب بر برینه ایتکا ایدرک قالمسونلر . وبوصورتله بشریت خدمت ایتسونلر . امینم ، بیوک بر قداعت وجدانیه ایله امینم که ینه بو بیوک کونلر عودت ایده جک ... دنیا ، روس کبی ، انکلیز کبی ، فرانسر کبی بتون مسلمان عالمی ربه اسارت آلمش حیدودلرک الدن ان شاه خلاص اوله جدر . یازیکنر ... مملکتکیزک صمیمی اهلینه یازیکنر ... بو محاربه نیک اهمیتنی تقدیر ایتسونلر ... اجدادلی غازیلر کبی عزم ایله ، اعتماد نفس ایله غزایه کیریشونلر ... هر حالده قزاقه جقارندن امین اولسونلر ... عزت نفسلری کوز اوکنه کتیره رک دوشونسونلر که ، بو کونکی قهرمانانه حرکتلرله ربه اسارت کچمش اوج یوز ملیون مسلمان خلاص ایده جکادر . بادشاه عثمانیان و خلیفه اسلامیان حضرتلریک بتون احکام شرعیه استناد ایدرک اعلان بیوردقاری « جهاد » ک حکمت و قدسیتنی بز خرسیتانر بیله تقدیر ایدیورز . زیرا بو کون بو اوج ظالم دولتک التنده بولنان مسلمانارک حالی ، انسانی حرکت کتیره جک قدر مدهشدر . ان شاء ظفر بزمه برابر اوله جدر . زیرا حق بزمه برابردر ... بن آلمان ملتی کبی ، عثمانی اقلیمده بو خصوصده بیوک بر اعتمادک موجود اوله یغه قطعاً قانع بولنیورم .

مَشْکَلَات

بوتون عالم اسلام حال انتباه و قیامدهدر

کوندن کونه حال و موقع کسب وضوح ایدیور . عالم اسلامک انتباهنی انکار ایدنار بیله یا کیلمش اولدقاری ایلایوب اعتراف ایلورلر . مسلمانلر ، هر طرفه ائتلاف مثلث حکومتلرندن بمنون اولدقاری آثاریه اثبات ایتشدر .

روسیه ده شوصوک کونلرده بر برینی ولی ایدن اختلالر ، شکایتلر ، فرارلر ، حبس و اشکنجهلر ، توقیفلر کیفیتکی ماهیتنی آچیقندن آچینه کوسترمشدر . بونجه تهدید و تخویفلر ، قوای جبری و زجریه استعمالنه رغماً حصوله کلن قیام و عصیانلری موسقوفر بر درلو تسکینه موفق اوله مامشدر . با کوده ، تفلیس و ایروانده ، بحر حزر سواحنده ، تورکستان روسی جهتلرنده یشایان مسلمانلر ، روسیه دن انتقام آلمق زمانک لایقیه یا قلاشدیغه ایمان ایدرک فعلیاته تشب ایتش ، وار قوتلریله موسقوف حکومتی علیه ایاقلامشدر . اختلالچی ، قومیته جی ، ملی املر تعقیب ایدن وسه لردن برو اسارت زنجیرلری قیروب حریت و استقلاللری اله ایتکه اوغراشان عنصرلر - خصوصیه - مسلمانلر بو کونکی پارلاق فرصتلردن استفاده یه قرار قضمیلری ویرمشدر .

ایرانده کی ملی انتقاملر او قدر کسکین ، حاد بردوره کیرمشدر که

بلوچ قبائلی هند حدودنده جهاد اعلانی یا بمقله برابر اوراده کی انکلیز عساکرینه اولدقجه بر درس تأدیپ ویرمشدر . بو حالت روحیه نی انکترده منتشر غزتلر بیله یاریم آغزله بالاخره اعتراف مجبور اولمشدر .

هندستانک کالکوتا ، علیکر ، پنجاب و سائر شهرلرنده انکلیزلر علیه حصوله کلن قیام و عصیان ایله آثار ناخشنودی هندستانک هر طرفه کیتدجه سرایت ایتکه باشلامش و انکلیزلری اییدن اینیه دوشوندیرمشدر . بونک اوزرینه هندستان و بلوچستان مسلمانلریک علیهدارلریک فکری چلمک و انلری آلداتق ایچون کندی اللرنده بر آلت کبی اوینیان باطنی لر رئیس آقاخان لوندردن هندستانه اعزام ایله متعدد بیانناملر نشرینه مأمور ایشلدر . بو خدمته مکافات اوله رق مرقومه ایران جنوبی داخلنده ایلروده تأسس ایده جک بر حکمدارلق ویا بر ریاست حکومت وعد ایدمشدر . هندلیلرله افغانلیلر ایسه آقاخانک یلان سوزلرینه اینامدقاری اخیراً (سراج الاخبار) غرته سنده اکا جواباً یازدقاری مقاله ایله حقیقتی میدان قویمشدر . هندلیلرله افغان اهالیسی انکلیزلرک سویش قمانده کی مغلوبیتلریله قتالک قیامتسی بکه یورلر .

ایران جنوبیده و حمزه قصبه سنک بر آرز اوتنه سنده واقع (حویزه) قبائلی - که اون بیک کیشی متجاوزدرلر - اورایه انکلیزلری دفع ایچون قوشان عثمانی و مجاهدین اسلامیه قوای عظیمه سنه التحاق ایلدکاری درجه بداهته وارمشدر .

بنغازی و سلوم جهتلدن بیکارجه غیور مجاهدلرله حرکت